



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

30.11.2023

728-tm-son

### **Magistratura talabalarining magistrlik dissertatsiya mavzularini tasdiqlash va ilmiy rahbarlarini tayinlash to'g'risida**

O'zbekiston Respublikasi Prezidentining 2020-yil 29-apreldagi PF-5987-son "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi Farmoni va O'zbekiston Respublikasi Prezidentining 2017-yil 28-apreldagi PQ-2932-son "Toshkent davlat yuridik universitetida kadrlar tayyorlash tizimini tubdan takomillashtirish va samaradorligini oshirish chora-tadbirlari to'g'risida"gi qaroriga asosan, shuningdek universitet rektorining 2019-yil 5-dekabrda 08-649-son buyrug'i bilan tasdiqlangan Toshkent davlat yuridik universiteti magistraturasi to'g'risidagi nizomga muvofiq,

### **BUYURAMAN:**

1. Toshkent davlat yuridik universiteti 2022/2023 o'quv yili (qishki qabul) magistratura talabalarining magistrlik dissertatsiya mavzularini tasdiqlash va ilmiy rahbarlarini tayinlash to'g'risidagi tegishli kafedralarning majlis bayonnomalari, universitet Tadqiqot etikasi kengashining majlis bayonnomasi hamda Magistratura va sirtqi ta'lim fakulteti dekanining taqdimnomasi ma'lumot uchun qabul qilinsin.

2. 2022/2023 o'quv yili (qishki qabul) magistratura talabalari tomonidan magistrlik dissertatsiyasini bajaradigan kafedra, magistrlik dissertatsiya mavzusi va ilmiy rahbar, shuningdek magistrlik dissertatsiyasini tayyorlash tili (o'zbek/ingliz yoki rus/ingliz) [topic.tsul.uz](http://topic.tsul.uz) platformasi orqali belgilangan muddatlarda mustaqil tanlanganligi qayd etilsin.

3. Quyidagilar:

2022/2023 o'quv yili (qishki qabul)da kunduzgi ta'lim shakli asosida ta'lim oluvchi magistratura talabalarining magistrlik dissertatsiya mavzulari hamda ilmiy rahbarlari ro'yxati 1-ilovaga muvofiq;

2022/2023 o'quv yili (qishki qabul)da masofaviy ta'lim shakli asosida ta'lim oluvchi magistratura talabalarining magistrlik dissertatsiya mavzulari hamda ilmiy rahbarlari ro'yxati 2-ilovaga muvofiq tasdiqlansin.

4. Magistratura va sirtqi ta'lim fakulteti (A.Babadjanov) tegishli kafedralar bilan birgalikda:

magistratura talabalari tomonidan ilmiy-tadqiqot faoliyati doirasida bajariladigan magistrlik dissertatsiyasi loyihasi hamda dissertatsiya taqdimotining sifatli tayyorlanishi, milliy va xorijiy adabiyotlar bazasi bilan ishlash qoidalari bo'yicha seminar treninglar tashkil etsin;

magistratura talabalarining ilmiy-tadqiqot faoliyatini, magistrlik dissertatsiyasini sifatli tayyorlanishi hamda ilmiy rahbarlar bilan doimiy aloqada bo'lishini tizimli monitoring qilib borsin.

5. Mazkur buyruq ijrosini nazorat qilishni o'z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV

**Kelishildi:**

Ilmiy ishlar va innovatsiyalar  
bo'yicha prorektor

B.XODJAYEV



Katta yuriskonsult

A.TURSUNOV

